

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

« ----» ----- 2016թ.

N-----Ա

### ՈՐՈՇՈՒՄ

#### ՊԱՐՏԱՎՈՐՈՒԹՅՈՒՆԸ ԴԱԴԱՐԱԾ ՀԱՄԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 431-րդ հոդվածով և հիմք ընդունելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 11-րդ հոդվածի 1-ին մասը՝

Երևան քաղաքի ավագանին որոշում է.

1. Երևան համայնքի և «Հանքաշար» սահմանափակ պատասխանատվությամբ ընկերության միջև 2011 թվականի սեպտեմբերի 29-ին կնքված հ. 91/6-ԱԳ պայմանագրով «Հանքաշար» սահմանափակ պատասխանատվությամբ ընկերության կողմից ստանձնած պարտավորությունը համարել դադարած:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## ՏԵՂԵԿԱՆՔ- ՀԻՄՆԱՎՈՐՈՒՄ

### «ՊԱՐՏԱՎՈՐՈՒԹՅՈՒՆԸ ԴԱԴԱՐԱԾ ՀԱՄԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՄԱՍԻՆ

Երևան համայնքի և «Հանքաշար» ՍՊԸ-ի (այսուհետ՝ նաև գնորդ) միջև **29.09.2011թ.** կնքված հ. **91/6-**ԱԳ պայմանագրից ծագող ընկերության սեփականության իրավունքը Հյուսիսային պողոտա **6/2** հասցեում գտնվող ստորգետնյա ավտոկայանատեղիի նկատմամբ ստացել է պետական գրանցում **05.10.2011թ.:**

Պայմանագրի **5.2-**րդ կետի **5.2.3-**րդ ենթակետի համաձայն՝ պայմանագրի ուժի մեջ մտնելու պահից **3** տարվա ընթացքում «Հանքաշար» ՍՊԸ-ն (այսուհետ՝ նաև գնորդ) պարտավորվել է կատարել ներդրում առնվազն **3.700.000.000** (երեք միլիարդ յոթ հարյուր միլիոն) դրամի չափով, իսկ նույն կետի **5.2.4-**րդ ենթակետով պարտավորվել է պայմանագրի ուժի մեջ մտնելու պահից կատարել օտարվող գույքի վերգետնյա հատվածի վերակառուցում, վերանորոգում, սանամքրման աշխատանքների կազմակերպում և լուսավորության ապահովում, նոր կանաչապատ հատվածների ստեղծում և գոյություն ունեցողի ավելացում:

Հետևաբար, **3.700.000.000** ՀՀ դրամ ներդրումը գնորդի կողմից պետք է կատարվեր մինչև **2014** թվականի հոկտեմբերի **5-ը:**

Պայմանագրի **5.2-**րդ կետի **5.2.6-**րդ ենթակետի համաձայն՝ պայմանագրում նախատեսված յուրաքանչյուր պարտավորության ժամկետը լրանալուց հետո **15-**օրյա ժամկետում գնորդը պարտավորվել է Երևանի քաղաքապետարանին ներկայացնել պարտավորության կատարման մասին հաշվետվություն՝ կցելով այն հաստատող փաստաթղթերը:

Պայմանագրի **7.2-**րդ կետի համաձայն՝ գնորդի կողմից պայմանագրով նախատեսված պարտավորությունը.

ա) սահմանված ժամկետում պայմանագրով նախատեսված ներդրումը չկատարելու կամ մինչև **50** տոկոս կատարելու դեպքում գնորդը **3** ամսվա ընթացքում պարտավոր է կատարել տվյալ ժամանակահատվածի համար նախատեսված, բայց չկատարած ներդրումները ամբողջությամբ՝ միաժամանակ Երևան համայնքի բյուջե վճարելով տուգանք՝ չկատարված ներդրումների գումարի **5** (հինգ) տոկոսի չափով,

բ) սահմանված ժամկետում պայմանագրով նախատեսված ներդրումը **50** կամ ավելի տոկոսով կատարելու, բայց ամբողջությամբ չկատարելու դեպքում գնորդը **2** ամսվա ընթացքում պարտավոր է կատարել տվյալ ժամանակահատվածի համար նախատեսված և չկատարած ներդրումներն ամբողջությամբ՝ միաժամանակ Երևան համայնքի բյուջե վճարելով տուգանք՝ չկատարած ներդրումների գումարի **3** (երեք) տոկոսի չափով:

Գնորդի կողմից ներկայացվել են «Արթին Էներգիայա» ՍՊԸ-ի կողմից կազմված հաշվետվություններ, որոնց համաձայն՝ գնորդի կողմից իրականացված շինարարական և ներդրումային աշխատանքների շուկայական արժեքը՝ **05.10.2014թ.** դրությամբ կազմել է **3.030.906.360** ՀՀ դրամ, իսկ **31.12.2015թ.** դրությամբ կազմել է **4.026.828.729** ՀՀ դրամ:

Ներդրումները սահմանված ժամկետում և ծավալով մասնակի կատարելու համար պայմանագրի **7.2-**րդ կետի բ) ենթակետի հիմքով առաջացել է **20072809** (քսան միլիոն յոթանասուններկու հազար ութ հարյուր ինը) ՀՀ դրամ տուգանք վճարելու պարտականություն:

Գնորդի կողմից պայմանագրային պարտավորությունների կատարմանն առնչվող հարցերը, վերջինիս ներկայացուցիչների մասնակցությամբ, քննարկվել են Երևանի քաղաքապետի **29.05.2015թ. հ. 389-**Ա կարգադրությամբ ստեղծված հանձնաժողովի նիստում, որի ընթացքում պայմանագրի **5.2-**րդ կետի **5.2.3-**րդ և **5.2.4-**րդ ենթակետերով նախատեսված պարտավորությունները համարվել են կատարված ամբողջությամբ՝ ի գիտություն ընդունելով «Արթին Էներգիայա» ՍՊԸ-ի կողմից կազմված հաշվետվությունները:

Հանձնաժողովը արձանագրել է նաև, որ պայմանագրով սահմանված ժամկետում՝ մինչև **05.10.2014թ.**, ներդրումներն ամբողջ ծավալով կատարելուն խոչընդոտել են մի շարք օբյեկտիվ

հանգամանքներ, այդ թվում՝ Երևանի Հյուսիսային պողոտայում անցկացված բազմաթիվ հանրային միջոցառումները և հավաքները:

Հանձնաժողովի նիստում գնորդի ներկայացուցիչները խնդրեցին հաշվի առնել, որ սահմանված ժամկետում նախատեսված ներդրումն ամբողջ ծավալով չիրականացնելն առաջացել է իրենց կամքից անկախ պատճառներով և ազատել տույժի վճարման պարտականությունից:

Գտնում եմ, որ «Հանքաշար» ՍՊԸ-ին պետք է ազատել տուգանք վճարելու պարտականությունից, հաշվի առնելով հետևյալ իրավական և փաստական հանգամանքները.

ՀՀ քաղաքացիական օրենսգրքի 431-րդ հոդվածի համաձայն՝ պարտավորությունը դադարում է պարտատիրոջ կողմից պարտապանին իր պարտականություններից ազատելով (պարտքը ներելով), եթե դա չի խախտում պարտատիրոջ գույքի նկատմամբ այլ անձանց իրավունքները:

Հիմք ընդունելով այն հանգամանքը, որ գնորդի կողմից պայմանագրի 5.2-րդ կետի 5.2.3-րդ կետով նախատեսված պարտավորությունը՝ 3 մլրդ 700 մլն ներդրում, կատարվել է 4.026.828.729 ՀՀ դրամի չափով, ՀՀ քաղաքացիական օրենսգրքի 431-րդ հոդվածի դրույթները, որոնք թույլ են տալիս պարտատիրոջը պարտապանին ազատել պարտքի կատարումից (20072809 ՀՀ դրամ տուգանք), որի դեպքում պարտավորությունը համարվում է դադարած, Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## **Տ Ե Ղ Ե Կ Ա Ն Ք**

**«ՊԱՐՏԱՎՈՐՈՒԹՅՈՒՆԸ ԴԱԴԱՐԱԾ ՀԱՄԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

«Պարտավորությունը դադարած համարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

## **Տ Ե Ղ Ե Կ Ա Ն Ք**

**«ՊԱՐՏԱՎՈՐՈՒԹՅՈՒՆԸ ԴԱԴԱՐԱԾ ՀԱՄԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՍՈՒՏՆԵՐՈՒՄ ԵՎ ԾԱԽՍԵՐՈՒՄ ՄՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Պարտավորությունը դադարած համարելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում էական փոփոխություններ չեն սպասվում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**